



[PDF version \(2.29m\)](#)

Ungil El Dosuub



written by Katsue Ngiruos  
illustrated by Vernette Miner

## **Klalo El Ousbech A Charm**



A rokui el charm a ousbech a kall.

A kall a msa a klisichel a charm.


Ng msa a klisichel me ng mo sebechel meruul aike el soal.

Ngara a bebil er a lousbech a charm?


A dechedech a ousbech er a ural a longang.

A mongkii a ousbech a chimal a longang.


Ngara ng ousbech a malk a longang.



Bebil er a Charm me a Kelel:



Ngara el charm a chomodengei a kelel?



A rokui el charm a ousbech a ralm.

Te ousbech a ralm er a bedengir.

A ralm a orurt a kall er a bedengel a charm.


Ng dirrek el ngosuir a charm el otobed a mekngit er a bedengel.  
Ngara ta er a ultutelel a ralm el mo er a charm?



A rokui el charm a ousbech a eolt.

Ng ousbech a eolt el outeliil.

A lak a eolt e ng diak el outeliil.



# **Ng Diak Di Losisiu A Kelel A Charm**




A charm a mengang.

A bebil er a charm a menga a dellomel.


Ngara ng menga er ngii a melaitul?

Aikakid a bebil er a charm el menga a dellomel.




Ngara a bebil er a charm el menga a dellomel?


Ngara a mo duubech el mo er a aike el dellomel el longa a charm?




A bebil er a charm a menga a kmal di charm.  
Ngara ng menga er ngii a sechesech?  
Ngara ng menga er ngii a chedeng?



Aikakid a bebil er a charm el menga a bebil er a charm.




Ngara a bebil er a charm el modengei el menga bebil er a charm?




A charm a mengang.

A bebil er a charm a kuk menga a dellomel me a charm.

Ngara ng menga ngika el malk?




Ta er a bedengel a charm el menga a dellomel me a charm.




A tungch a menga a mekekerei el ngikel.

Ng dirrek el menga a dellomel er a daob.



**A Charm A Omechell**



A charm a omechell.

A bebil er a charm a mo meklou er a diil.


Ng mo meklou er a diil e mechell.

Ngara a lmuut el bebil er a charm el mechell el ua ise?

Ta er a bedengel a charm el mo klou er a diil.

Ng mechell el di ua delal me a demal.

Ngara a rullii me ng mo ngodech er tir?




A charm a omechell.


A bebil er a charm a omechell a ngais.

A ngisel a omeu el mo ngelekel.


Ngara a lmuut el bebil er a charm el me tuobed er a ngais?




Ta er a bedengel a charm el me tuobed el ngar er a ngais.  
Ng omeu a ngais e ng me tuobed el di ua delal me a demal.  
Ngara a rullii me ng mo ngodech er a delal me a demal.



A katuu me a bilis me a malk me a sechesech a ngar el klalo.  
A ngar el klalo a omechell.  
A ngar el klalo a outeliil.  
A ngar el klalo a mengang.  
Ngar er ngii a lmuut el bebil er a loruul?



# **Ngara Ng Ousbech A Dellomel?**



A dellomel a ousbech a dichel a sils.

A dellomel a ousbech a dichel a sils el meruul a kelel.

A bebil er a dellomel a ousbech a betok el dichel a sils.


A bebil a kuk ousbech a mekesai el dichel a sils.

Ngara a bebil er a dellomel el modengei el ousbech a mekesai el dichel a sils?

A dellomel a ousbech a eolt.

Ng ousbech a eolt a loruul a kelel.

Ngara a lmuut el bebil er a lousbech a dellomel?



A dellomel a ousbech a ralm.


Ng ousbech a ralm el meruul a kelel.

Ng ousbech a ralm el merous a kelel.

Ng ousbech a ralm el mengelekolt er ngii.

A bebil er a dellomel a ousbech a betok el ralm.

A bebil er a dellomel a kuk ousbech a mekesai el ralm.




Momes aika el eruo el osisiu el dait.

Ng di mle ta el medalem.

A teluong a ungil a dbechel.

A teluong a mekngit a dbechel.


Ngara a uchul me ng ua ise?




Ungil a dbechel

Mekngit a dbechel


Ng oumesingd el dellomel a dirrek el ousbech a ungil chutem.  
A risel a dellomel a melai a kelel er a ungil el chutem.  
Aika el kall a merael er a chelsel a dellomel.  
A dellomel a ungil a dbechel a lsekum ng ungil a kelel.



Tia el dellomel a diak el ungil a kelel.  
A chutem el lengar er ngii a mekngit.  
A delecha a koeas e a chutem a lmuut el mo ungil.  
Ng sebechel tia el dellomel el lmuut el mo ungil a dbechel?



# **Klekedellel A Dellomel**



A bebil er a dellomel a ngar er ngii a risel.

A bebil a ngar er ngii a chelechedal.

A bebil a ngar er ngii a llel.

Momes aika el llecheklel a dellomel (picture) el ngar er bab. Ngara el klekedellel a chomues?

### Chelechedal a Dellomel

A chelechedal a dellomel a orreked a llel a dellomel.

Ng dirrek el orreked a bngal.

Ng rolel a kall me a ralm el mo er a llel a dellomel.

Ngara ke mesa er tia el llechukl (picture) el ngar er a eou?



6. A. *Abies concolor* (Berg.) Lindl. (var. *concolor*)

7. B. *Abies concolor* (Berg.) Lindl. (var. *concolor*)

8. *Abies concolor* (Berg.) Lindl.

9. *Abies concolor* (Berg.) Lindl.

10. *Abies concolor* (Berg.) Lindl.

## Risel a Dellomel

Ng betok el dellomel a ousbech a risel.

Ng ousbech a risel el orreked er ngii.


Ng ousbech a risel el melai a ralm me a kall.

Ng ngmai e odurokl el mo er a chelechedal me a llel.

Ng dirrek el odurokl el mo er a redechel a lsekum ng ourodech.

Ke mla mes a risel a kerrekar?

Ngara ke mesa er tia el llechukl (picture) el ngar a eou?



## Llel a Dellomel

Ng betok el dellowmel a ousbech a llel.

A llel a melai a dichel a sils el lousbech.

Ng dirrek el melai a eolt el lousbech.

A kelel a dellowmel a mekedmokl er a llel.

Ngara el klekedellel a dellowmel a omesang er tia?



**Ureor**



Ngar er ngii a rolel e a ureor a mekedmokl.

Ngar er ngii a oldubech.

Ngar er ngii a mengider.

Ngar er ngii a mengurs.

Ngara a lmuut el ta er a rolel e a ureor a mekedmokl?

A melitai a ta er a bedengel a ureor.

Ng sebeched el toiteiur a doremukang er a telkib el mo er a telkib.

Ng sebeched el toitai a ochil a mlai el mo cheroid.

Ka momes er ngika el buik.

Ngara ng meruul er ngii?



A rechad a meruul a betok el kakerous el ureor.

Ka momes er tirka el kakerous el chad.

Ngika el rubak ng mekerang?

Ngika el mechas ng mekerang?




A mesil a bek el bedengel.

A sebel a ta er a bedengel a mesil.

A mesil er a bilas a ta er a bedengel a mesil.

A mesil a remuul a ureor el mo beot.

Ngara a bebil er a mesil el sebechel el remuul a ureor el mo beot?



# **Ngara A Ngor?**



A ngor (sound) a sebechel el mo er ngii a longitektik a klalo.

Ng sebechem el rongesii a ochil a chad a lorael er a ullem.

Ka momes er tia el llechukl (Picture).

Ng locha a ngara a mlo er ngii er a lechesmii a kita?

Ngar er ngii a betok el bedengel a ngor.

Ngar er ngii a ngerel a charm.

Ngar er ngii a ngerel a mlai.

Ng dirrek el ngar er ngii a lmuut el betok.

A ngor a ngar er ngii er a bek el taem.

Ng di diak el sebeched el remenges el rokui.

Ng di sebeched el remenges a bebil.

Ngara el ngor a sebechem el rullii me kede rongesii?




A ngor a sebechel el okiu a eolt.

Ng metetuchakl el obengkel a eolt.


Ng okiu a eolt el me er a dingad.

Seikid a uchul e ng mo sebeched el rongesii.


Ngara el ngor a chobla mrengesii?



A ngor a sebechel el merael er a chelsel a ralm.  
Tirka el buik a melechelbakl me te remuul a cherrodech.  
A ta er tirka el buik ng sebechel el rongesii a tang?



**Ngara A Soad El Mo  
Medengei El Kirel A Klalo**



Ngara a soad el mo medengei el kirel a Klalo?

A rokui el klalo a ngar er ngii a berredel.

A osisiu a meklungel el klalo a diak el belkul a kmo ng di osisiu a berredel.

Momes aika el teblo el bduu el osisiu a meklungel el ngar tia el olebedabel.

Ngara er ngii a oberaod?

A klalo a sebechel el mengodech a meklungel.

A huseng a lemedoko e ng mo klou.

A lak el deloko e ng debretech.

Momes er tia el llecheklel (picture) a huseng.

Ngara a uchul me a huseng a merael el mo klou?




A klalo a sebechel el mengodech a teletelel.

A kori (ice) a lobulech e ng mo ralm.

A ralm a bo lemekelekolt e ng mo medecherecher (kori, ice).

Momes er tia el llechukl (picture) el ngar er a eou. Ng sebechem el smodii?



**Belulchad**



A belulchad a kmal klou.

Ng chaibibeob.

Ng obii el mo edei el meklou el bliongel.

Ngar er ngii a chutem.


Ngar er ngii a ralm.

Ng dirrek el ngar er ngii a eolt el meliuekl er ngii.

Tiakid a ta er a teletelel a belulchad.

Se el de ngar er a melidiul e ng ua iseia teletelel.

Ngara ke mesang er tia el llecheklel (picture) a belulchad?



Tiakid a llecheklel (picture) a belulchad.

Ngara ke mes er tia el llecheklel (picture) a belulchad?

Ngara a betok er a chutem me a ralm?




## Chutem

A chutem a ta er a aike el edei el bliongel er a belulchad.  
Ng medecherecher e le ng mekedmokl er a betok el bedengel a  
klalo.  
Ngar er ngii a ralm er a bebul me a chelsel a chutem.  
A rechad me a recharm me a dellomel a kiei er a chutem.  
Ngara a lmuut el bebil er a ngar er ngii er a chutem?



## Ralm

A ralm a ta er a aike el edei el bliongel er a belulchad.  
Ngar er ngii a mecherocher el ralm me a kuk diak.  
Ng betok el ngikel a kiei er a daob el mecherocher el ralm.  
Ngara el ralm a diak el mecherocher?



## Eolt


A eolt a ta er a aike el bliongel er a belulchad.

A eolt a urechomel er a betok el bedengel a klalo.


Ng merael el meliuekl er tia el belulchad.

A rokui el ngar er klalo a ousbech a eolt.

Ngara ng rullii er kau a eolt?



**Ngara A Sils?**



Ngara a Sils?

A sils a bduch.

A sils a klou el klou er tia el belulchad el rokir.

A sils a ko er a kekerei er tia el belulchad lengii el kmal cheroid.

Ng kmal cheroid me ng dirkak a chad el mo er ngii.

Ng dirrek el kmal mekeald.

A sils a melidiich er a bek el taem.

Ng betok e mesisiich a didichel.

A dichel a sils a melidiich er a belulchad.

A bebil er a didichel a sils a mo kleald.

A ngar el klalo a diak el sebechel el di ngar a lak a dichel a sils.




A sils a melidiich er a bek el taem.

A leklebesei e ng diak a didichel el dengai.


A uchul e ng mo ua iseia belulchad a meliuekl er a bek el lluich me  
a euia el sikang.

Se el lemilkolk a beluad e a bebil er a beluu a kuk mellomes.






A sils a meskid a llomes me a kleald.

Kede ousbech er a kleald er a bek el sils er a klengar er kid.  
Kede ousbech er ngii el mengeald er kid.  
Ngara a lmuut el lengesukid er ngii a kleald?



**Ralm El Ngar A Bebul A Belulchad**



A ralm a nguu a klou er a tedobech er a belulchad.

Ng oumesingd er tia el ralm a daob.

Ngar er ngii a medecherecher el ralm (ice).

Ngar er ngii a ko er a chull el ralm el yuki (snow).

Ngar er ngii a chull (liquid).

Ngara el ralm a oumesingd el mousbech er ngii?

## Chull

A chull a dirrek el ralm.

A chull a ngar er a eabed el mei.

Kede melim a ralm el ngar er a eabed el mei.

Ke blechoel el melim a ralm chull?



## Yuki


A yuki a mekedmokl el kmeed el ua a chull.

Ng mereberebet el ua a chull e ng di medecherecher.

Ng sebeched el mes a yuki er a aike el beluu el cheroid er a equator.

A bebil er a beluu el sebeched el mes a yuki er ngii se el bo el temel  
a yuki a Merikel me a Siabal.

Ke mla mes a yuki?




## Kori

A kori a medecherecher el ralm.


Ng mo er ngii se el sa el mo mekelekolt a ralm.

Ng sebeched el mes a kori er a chelsel a mengelekolt (freezer) a ralm.

A kori a sebeched el melim se el bo el ralm.



# **Edel El Teletelel A Ralm**



A ralm a sebechel el obii el mo edei el kakerous el teletael.

Aikakid a edei el kakerous el teletelel a ralm.

Ng ngar er ngii a medecherecher (solid).

Ng ngar er ngii a moiteitel (liquid).

Ng dirrek el ngar er ngii a (gas).

A kelekolt me a kleald a rullii a ralm el mo ngodech a teletelel.

### Solid - medecherecher el klalo


A solid a medecherecher el klalo.

A bebil er a solid el klalo a lebo lemekeald e ng metamet.

A bebil er a solid el klalo a sebechel el mo gas a bo lemekeald.

A kori (ice) a ta er a medecherecher el klalo.

Ngara ta er a medecherecher el klalo (solid) el modengelii?



## Liquid - moiteitel el klalo


A liquid a moiteitel el klalo el sebeched el mes.

A liquid a diak a ulterekokl el teletelel.

A ralm a diak el medecherecher me a diak el gas.

A ralm a ta er a moiteitel el klalo el sebeched el mesang.

Ngara ta er a liquid el modengelii?



Gas

A moiteitel el klalo (liquid) a lebo lemekeald e ng mo gas.

A ralm a lebo lemekeald e ng mo gas e merael el mo er bab.

Tia a domekedo er ngii el kmo ng evaporation.

A ralm a mo er a eolt e mo eabed e kuk ruebet el chull.

